

# X CIRCUÍTO GALEGO AUGAS ABERTAS

## TRAVESÍAS A NADO 2013.

Tempada 2012 - 2013. Circular 12-22.

### 1. CONDICIÓN E PARTICIPACIÓN.

1.1.- O X Circuito Galego de Augas Abertas rexérase pola Normativa FINA de Augas Abertas, pola Normativa de Competición de Augas Abertas da Federación Española de Natación e polo presente regulamento particular.

1.2.- Poderán participar todos os deportistas federados. Entendese como nadador federado todo aquel que teña licenza federativa en vigor no estamento Máster ou Deportista na presente tempada en calquera das disciplinas que integran a Federación Galega de Natación (FEGAN).

1.3.- Establécense dúas categorías (só é posible inscribirse nunha delas):

Deportista: nadadores con licenza territorial de deportista en calquera das disciplinas.

Máster: nadadores con licenza territorial de máster.

1.4.- A idade de participación será de nados no ano 1998 e anteriores.

1.5.- Os nadadores que desexen participar no circuito, deberán inscribirse a través do cumplimentado do formulario web ao que se pode acceder a traveso o enderezo:

<http://fegan.fegan.org/inscricions/default/index>

debedo cumplimentar debidamente todos os campos solicitados. Ante calquera dúbida contactar no correo informatico@fegan.org

1.6. O prazo para se inscribir como participante no Circuito de Augas Abertas remata o día 20 de xullo.

### 2. ORGANIZACIÓN.

2.1.- As travesías terán como entidade ou entidades organizadoras o clube, agrupación ou institución que sexan responsables da preparación, organización e formulación do regulamento de cada proba.

2.2.- As entidades organizadoras serán as encargadas de xestionar os permisos necesarios diante das autoridades competentes para o seu correcto desenvolvemento (concellos, autoridade portuaria, confederación hidrográfica, capitania marítima, etc.). Estes permisos son imprescindibles para poder levar a cabo a travesía.

2.3.- Ademais, serán as encargadas de velar pola seguridade dos nadadores participantes contando cos medios e/ou apoios axeitados a tal fin. Tamén deberán facilitar unha embarcación para que os xuíces poidan controlar o percorrido da proba, así como as que sexan necesarias para o control de paso de boías que teña o percorrido.

### 3. INSCRICIÓN DE TRAVESÍAS - CALENDARIO.

3.1.- Para se inscribir, as entidades organizadoras das travesías interesadas na súa inclusión deberán comunicalo por escrito á FEGAN antes do 28 de xuño, e abonar unha taxa de 450 euros que inclúe os gastos de arbitraje, e edición de resultados.

a.- Acompañando a esta solicitude deberán remitir o seu regulamento, no que debe figurar expresamente: a data e hora de realización, as categorías, o esquema do percorrido, as distancias a percorrer, os premios, o enderezo e teléfono de contacto e outra información relevante da travesía.

b.- Asemade acompañarán un compromiso formal de cumprimento da Normativa vixente de Augas Abertas, incluíndo as Normas FINA sobre traxes de baño aprobadas o 16 de xaneiro de 2010 (A partires do 1 de xuño do 2010, o traxe de baño para augas abertas, tanto para homes como para mulleres, non cubrirá o colo, nin se estenderá máis alá dos ombros, nin por debaixo do nocello. Todos os traxes de baño para Augas Abertas axustaranse aos criterios FINA para Materiais e Procedementos de Aprobación (segundo a lista actualizada a data 1 de xuño de 2010).

[http://www.fina.org/H20/index.php?option=com\\_content&view=category&id=304&Itemid=1006](http://www.fina.org/H20/index.php?option=com_content&view=category&id=304&Itemid=1006)

Para as travesías de máis de 5 Km, e en función da temperatura da auga, a organización poderá autorizar a utilización de neopreno.

3.2.- O lugar de celebración da travesía deberá ser en "augas abertas", entendendo como tales os seguintes emprazamentos: praias, portos, ríos, lagos ou calquera outro que non teña a consideración de recinto pechado.

3.3.- A data de celebración da proba non poderá ser posterior ao 1 de outubro.

3.4.- A FEGAN elaborará un calendario oficial de travesías (as inscritas no Circuito) segundo as solicitudes recibidas e evitando a coincidencia temporal de dúas ou máis travesías, para así favorecer a participación de todos os interesados.

3.5.- Non poderá haber coincidencia horaria entre as travesías incluídas, a efectos de poder participar en todas as travesías do circuito. No caso de que a coincidencia sexa no mesmo día, a hora distinta, a distancia entre sedes deberá permitir a realización do traxecto dos participantes.

3.6.- Este Calendario será publicitado nas canles habituais empregadas pola FEGAN así como por outros medios habituais específicos que se consideren relevantes.

## 4. INSCRICIÓNS.

4.1.- O prazo de inscricións para os participantes no Circuito axustarase ao disposto na normativa concreta de cada travesía, rematando como mínimo tres días antes da celebración da mesma.

4.2.- Os organizadores das diferentes travesías deberán enviar a listaxe de participantes ó correo electrónico [informatico@fegan.org](mailto:informatico@fegan.org) segundo modelo anexo como máximo 2 días antes da celebración da travesía.

4.3.- Se un participante inscrito no Circuito Galego de Augas Abertas, se inscribe o día da travesía, non se terá en conta a participación a efectos de puntuación no Circuito.

4.4.- Os nadadores que non participen nun número mínimo de 3 probas, non puntuarán na clasificación final.

## 5. PUNTUACIÓN.

5.1.- Para poder puntuar no Circuito (tanto en categoría masculina como feminina para deportistas e máster), o nadador deberá ter licenza federativa en vigor por algún Clube Galego.

5.2.- Haberá unha clasificación ABSOLUTA masculina e outra ABSOLUTA feminina, tanto para a categoría de Deportista como para a de Máster.

5.3.- En cada travesía puntuarán os dez primeiros clasificados, variando a puntuación do seguinte xeito en función da distancia da travesía:

- De 2.500 a 4.999 metros: 26-20-16-14-12-10-8-6-4-2
- Máis de 5.000 metros: 39-30-24-21-18-15-12-9-6-3

## 6. CLASIFICACIÓN.

6.1.- En cada categoría, proclamarase campioa e campión do X Circuito Galego de Augas Abertas a aquela nadadora e nadador a que obteña o maior número de puntos. Haberá polo tanto unha campioa e un campión para cada unha das categorías do circuito. Para o cómputo do total de puntos, teranse en conta as 7 mellores puntuacións acadadas.

6.2.- En caso de empate final a puntos, primarán (por orde) as seguintes circunstancias:

- Quen participase nun maior número de travesías
- Quen participase en máis travesías de máis de 5.000 metros
- Quen obtivese máis primeiros postos, segundos, terceiros e así sucesivamente ata resolver o empate.

## 7. PREMIOS.

7.1.- A FEGAN fará entrega dun trofeo ao primeiro clasificado en cada categoría tanto para a modalidade de deportistas como para a de máster, polo que haberá un campión categoría masculina para a modalidade de

deportista e outro para a modalidade máster, e unha campioa categoría feminina para a modalidade de deportista e outra para a modalidade máster do Circuito, así como un premio en metálico e en material deportivo para a modalidade de deportista:

- 300 euros e material deportivo para o primeiro/a clasificado/a da modalidade de deportista
- 250 euros e material deportivo para o segundo/a clasificado/a modalidade de deportista
- 200 euros e material deportivo para o terceiro/a clasificado/a modalidade de deportista
- 150 euros e material deportivo para o cuarto/a clasificado/a modalidade de deportista
- 100 euros e material deportivo para o quinto/a clasificado/a modalidade de deportista
- 50 euros e material deportivo para o sexto/a clasificado/a modalidade de deportista

7.2.- Este premio é independente (e complementario) dos que as respectivas organizacións das travesías establezan nos seus regulamentos.

## 8. XURADO.

8.1.- O xurado da proba estará nomeado polo Comité Galego de Árbitros da FEGAN.

8.2.- A súa composición corresponderá co regulamentariamente establecido pola FEGAN ou, no seu defecto, pola vogalía de Augas abertas da Federación Española de Natación.

8.3.- É competencia do xurado a resolución de calquera cuestión ou recurso que apareza no desenvolvemento da proba.

8.4.- Todos os gastos do xurado están incluídos na taxa de inscrición.

8.5.- O/A xuíz arbitro da competición cubrirá unha ficha técnica da travesía segundo modelo oficial que lle proporcionará o Comité Galego de Árbitros. O orixinal desta deberá ser enviado á FEGAN.

## 9. RESULTADOS.

9.1.- A FEGAN enviará unha persoa encargada de recoller os resultados oficiais completos da travesía onde figurarán todos os datos esenciais da proba e dos participantes.

9.2.- Estes resultados deberán contar co visto bo do xuíz árbitro da proba, que aparecerá reflectido na Ficha Técnica da Travesía (ANEXO).

A Coruña, 19 de xuño de 2013

Secretaría Xeral FEGAN

## CIRCUÍTO GALEGO DE AUGAS ABERTAS

Ficha Técnica da Travesía

PROBA:

DATA:

CONCELLO:

LUGAR:

TIPO DE AUGAS:

DISTANCIA PERCORRIDA (en metros):

ENTIDADE OU CLUBE ORGANIZADOR:

COMPOSICIÓN DO XURADO PRINCIPAL:

NUM. LICENZA

ÁRBITRO XEFE:

XUÍZ SAÍDAS:

ÁRBITRO/XUIZ:

ÁRBITRO/XUIZ:

OUTROS POSTOS DO XURADO:

INCIDENCIAS DA COMPETICIÓN:

CERTIFICO A VERACIDADE DOS DATOS QUE FIGURAN NESTES RESULTADOS:

-----, ----- de ----- de 201\_\_\_

Fdo.: ÁRBITRO XEFE

Circuíto Galego de Augas Abertas

**RESUMO DOS RESULTADOS DA COMPETICIÓN**

(Para os efectos de puntuación no Circuíto Galego de Augas Abertas)

CATEGORÍA ABSOLUTA

**CATEGORÍA MASCULINA**

Orde	Nadador	Num. Licenza
1 <sup>º</sup>		
2 <sup>º</sup>		
3 <sup>º</sup>		
4 <sup>º</sup>		
5 <sup>º</sup>		
6 <sup>º</sup>		
7 <sup>º</sup>		
8 <sup>º</sup>		
9 <sup>º</sup>		
10 <sup>º</sup>		

**CATEGORÍA FEMININA**

Orde	Nadadora	Num. Licenza
1 <sup>º</sup>		
2 <sup>º</sup>		
3 <sup>º</sup>		
4 <sup>º</sup>		
5 <sup>º</sup>		
6 <sup>º</sup>		
7 <sup>º</sup>		
8 <sup>º</sup>		
9 <sup>º</sup>		
10 <sup>º</sup>		

Circuíto Galego de Augas Abertas

**RESUMO DOS RESULTADOS DA COMPETICIÓN**

(Para os efectos de puntuación no Circuíto Galego de Augas Abertas)

**CATEGORÍA MÁSTER**

**CATEGORÍA MASCULINA**

Orde	Nadador	Num. Licenza
1 <sup>º</sup>		
2 <sup>º</sup>		
3 <sup>º</sup>		
4 <sup>º</sup>		
5 <sup>º</sup>		
6 <sup>º</sup>		
7 <sup>º</sup>		
8 <sup>º</sup>		
9 <sup>º</sup>		
10 <sup>º</sup>		

**CATEGORÍA FEMININA**

Orde	Nadadora	Num. Licenza
1 <sup>º</sup>		
2 <sup>º</sup>		
3 <sup>º</sup>		
4 <sup>º</sup>		
5 <sup>º</sup>		
6 <sup>º</sup>		
7 <sup>º</sup>		
8 <sup>º</sup>		
9 <sup>º</sup>		
10 <sup>º</sup>		